

uxoris fecunditatem, virginitatis votum emisit: ergo illius debebat esse ætatis, ut prolem posset procreare; atqui senio confessus, & pene octogenarius prolem procreare non poterat: ergo &c.

**IV.** Probatur ex *Lucæ* 2., quando Christus duodecim erat annorum, Joseph vivebat; ergo si octogenarius erat, quando Mariam in uxorem duxit, non aginta etiam, & duos annos numerabat, quando Christus duodecim habebat. Præterea sunt qui dicunt, Josephum vivere desisse, quando Christus trigesimum annum agebat; tunc enim de Josepho, ut adhuc vivente loquebantur *Judæi*; quod legitur *Joannis* 6. Nonne hic est filius Joseph, cuius nos novimus Patrem, & Matrem? Et *Matth.* 13. Nonne hic est fabri filius? Nonna Mater eius dicitur *Maria*, & fratres eius *Jacobus*, & *Joseph*, & *Simon*, & *Judas*, & *Sorores* eius; nonne omnes apud nos sunt? Insuper Chrysostomus homil. 5. in *Matth.*, *Ambrosius* lib. de *Iustitia Virg.* cap. 6. ep. 5. lib. 1. & lib. 2. in *Lucam* ad caput. 1., & lib. 10. ad cap. 23., & *Augustinus* serm. 81. de tempore, scripterunt, Josephum fuisse adhuc vivum, quando Christus mortuus est. Quibus suppositis opinionibus, Joseph omnino superasset annum centesimum decimum, & accessisset ad annum centesimum vigesimum, si octogenarius fuisse, quando primum junctus Mariae fuit.

**V.** Probatur. Non conveniebat pudori Virginis, modestia, atque honestati, ut ei adolescentulus daretur in virum, qui nec posset matrimonii onera sustinere, nec propriae sovende, atque educande, parere, nec illius Virginitatem regere, defendere, atque servare; nec pariter in juvene ea esse poterat prudentiae laus, si ad miracula non recurramus, qualis in virro matura ætatis inveniebatur. Quod pariter evincitur, quia S. Joseph semper in Scripturis nominatur vir, qui importat maturæ ætatis hominem, non adolescentem, neque senem; & quidem non tantum: dicitur vir *Mariæ*, hoc est, *Mariæ* maritus, sed etiam vir ætatis ratione, ut passim Patres, & Doctores explicant.

**VI.** Probatur. Quod in Scripturis expresse non legitur, nec a Patribus explicite definitur, nec ab antiquis Historicis enarratur, id omnino incertum putandum est; sed de *Mariæ*, & Joseph ætatis anno, quo inter se invicem matrimonio junci sunt, Scriptura nihil expresse dicit,

Patres nihil explicite definiunt, veteres Historici nihil aperte narrant: ergo omnino est incertum. Probatur minor, & quidem de Scriptura non dubitatur; de Patribus vero, & antiquis Historicis vel dubia, vel supposita, vel illegitima sunt fundamenta, ut in solutionibus objectorum videbimus: ergo &c.

Obstant I. *Cardinalis Baronius* probat ex Epistola *Evdii*, Episcopi Antiocheni, B. Virginem anno decimo quarto ætatis suæ Josepho nupsisse: ergo non est incertum, quo ætatis anno Virgo Deiparacum B. Josepho matrimonium inierit. II. Idem *Baronius* hoc ipsum probat ex *Gregorio Nysseno* oratione in Christi natale, ex *Germano Constantinopolitano*, ex *Georgio Nicomedensi*, ex *Joanne Damasceno*, *Cedreno*, *Elia Cretense*: ergo ex Patribus determinatur ætatis annus, quo B. Virgo Josepho nupsit. III. Conveniebat, ut B. Virgo esset firma, & perfecto corpore ad concipiendum; sed hoc esse non poterat ante ætatem viginis quatuor annorum: ergo &c. Et hoc argumentum est *Cajerani*. IV. Patres passim vocant *Mariam*, quo tempore nupta est B. Joseph, puellam, atque juvenculam; quod etiam legitur in *Sacris Ecclesiæ preciis*: ergo non erat adolescens, ut *Nos diximus*. V. Ex *Nicephoro* lib. 2. hist. cap. 3. B. Virgo, quando fuit in templo praæsentata, erat trium annorum; undecim annis in templo manit, & deinde fuit Josepho tradita: ergo vere tunc quatuordecim annos habebat. VI. Citantur etiam *Hieronymus* lib. de Nativit. S. *Mariæ*, *Origenes* tract. 26. in *Matthæum*, *Theophylactus* in cap. 23. *Matthæi*; qui omnes docent, atque determinant ætatis annum, quo Virgo matrimonium cum Josepho celebravit. VII. Antiquæ picturæ omnes Josephum senem decrepitudinem, reprobant: ergo vere erat senex, quando B. Virginis matrimoniali feedere junctus est. VIII. Conveniebat, ut tunc temporis B. Joseph senex esset, & ut virtutes seniles, & præcipue prudentiam haberet, & ut nulla suspicio carnalis operis cum B. Virgine nasceretur; quod cecinit *Gersonius* in *Josephina*. IX. ex *Evdio* cit. epist. apud *Nicephorum* lib. 1. hist. cap. 7. ex hist. *Josephi*, quam refert *Epiphanius* hæret. 78. habetur Josephum fuisse octogenarium, ac viduum, quando Mariam in uxorem duxit; & ex *Hieronymo* lib. de nativit. B. Virginis tom. 9., fuisse grandævum, quanvis non determinet ætatem: